



UNIVERSITÄTS-
BIBLIOTHEK
PADERBORN

Universitätsbibliothek Paderborn

Bekerung H. Joannis Harennij

Haren, Jan

Cölln, 1586

VD16 ZV 7369

Von erschrecklichen urteilen Gottes/ welche auff die vornemsten Heubter
der Ketzer gefallen sind.

urn:nbn:de:hbz:466:1-35563

Nicephorus ist mit lesterungen vnd narrenteidungen erfüllet.

Also haben sie beynahē von allen alten Vätern geredt, ist ein ding / dauon man ein grawen haben / vnd sich schemen sol. Gleichwol sind ihre Schrifteen mit solzchen lesterungen / vñ vnbesügte schmachworten erfüllet. Besihe Diderichen von Beza vber das 23. Cap. Actorum. Item vber die 2. Epistel an Timotheum Cap. 3. annot. 8. vber die 1. Epistel zun Corinthern / Cap. 7. annot. 1. 9. vnd 28. 2c.

Von erschrecklichen vrteilen Gottes / welche auff die vornemsten Heubter der Keßer gefallen sind.

Die erschreckliche / wunderliche vnd grewliche gerichte Gottes / so auff die vornembsten Lehrer der Protestierenden gefallen sind / habē mich offtmahl in zwuel uel gesetzt vnd geschreckt. Den es ist ihnen beynahē allen widerfaren / das man gemeinlich sagt: wie dz leben ist / so ist auch das ende. Den das leben vnd die thaten weiland Martin Luthers von seiner jugend

gend an bekant vnd bewust gewesen / die haben jederzeit geweißaget / das er ein schendlich ende nemen würde. Er war so ehrgeizig vnd hoffertig / als ein Man bey seinen zeiten sein mochte / suchte nichts / den die ehr dieser Welt / vnd war niemahl mit seinem beruff zufrieden. Vnd weil er einen subtilen / vnrühigen / fürwitzigen geist hatte / bekleißigte er sich fürnemlich die Künste zulerne vnd zu wissen / so von Gott verbotten sind. In welchen er auch dermassen zunam / das er mit den Teuffeln so gute kundschafft machte / wie er solches in seinen Schrifften bezeuget / das er stets mit ihnen conferierte vnd handelte / auch wol von den vornemsten Articulis in der Religion. Seine Bücher vnd thas ten / so er selbst vnd seine jünger an den tag geben haben / bezeugen klärlich / das er ein verflüchter wanst gewesen ist / mit schamlosigkeit / leichtfertigkeit / vnd lotterbüberey erfüllet / der die hertzen der Menschen begauckelt vnd verzaubert gehabt. Eise die Bücher / so wider den Pappst / vnd wider Hans Borst / &c. durch den Druck außgangen sind. Item seine Tischreden / vnd andere dergleichen vnfläterey: Solten wol

wol vnflätiger vnd schädlicher ding in der Welt sein / den in diesen gemeldten Büchern gefunden wirt? Sein ende hat den zorn Gottes vber ihn wol zu erkennen geben. Den ein guter frohner man / der nicht leuget / so an dem ort gewesen / da er gestorben / hat mir auff sein gewissen für gewis vermeldet / das sich für seinem tode der Teuffel in einer erschrecklichen vnd grausamen gestalt für ihn gestellet habe / der ihm dadurch ein solches schrecken anjagte / das man ihn / nachdem er sich gesund zu bette gelegt / vber vier stundē hernach tod fande. Siehe die gemeine belohnung / der leut / so auffrur anrichten / vnd die rühe der H. Kirchen zustören.

Vom tod des Caluini.

Caluinus ist in verzweuelung gestorbe / nachdem er mit einer vber auß leidigen vnd vnflätigen seuche / so Gott den widerspenrigen vnd verstockten Kindern in seinem gesez drowet / zumartert gewesen. Welches ich für warhafftig sagen kan / weil ich daselbs zugegen gewesen / vñ meine augen seines tods zeugen sind.

Sein leben ist niemahl anders gewesen /